

## **KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24, 39/24 i 17/25), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 44. sjednici održanoj 25.08.2025. godine, donijela je

### **Autentično tumačenje člana 76. stav (3) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25)**

U članu 76. stav (3) Kolektivnog ugovora propisano je sljedeće:

#### *„Član 76.*

*(3) Pod teškom bolešću iz st. (1) i (2) ovog člana, podrazumijevaju se bolesti navedene u Uredbi o naknadama i drugim materijalnim pravima koja nemaju karakter plata kao i Uredbi o listi teških bolesti, odnosno teških tjelesnih povreda na osnovu kojih se ostvaruju naknade za slučaj teške invalidnosti ili teške bolesti. Pravo na jednokratnu novčanu pomoć iz stava (1) ovog člana, po osnovu teške invalidnosti ostvaruje se za utvrđen stepen invalidnosti od najmanje 60%.“*

Pravo iz citirane odredbe člana 76. stav (1) Kolektivnog ugovora radnika ostvaruje na osnovu pojedinačnog pisanog zahtjeva poslodavcu, odnosno direktoru ustanove na osnovu kojeg poslodavac, odnosno direktor ustanove, u skladu sa Zakonom o upravnom postupku, pribavlja neophodnu potvrdu nadležne komisije, ukoliko istu radnik nije dostavio uz zahtjev.

**Odluka o autentičnom tumačenju člana 76. stav (3) Kolektivnog ugovora je donesena na 44. sjednici Komisije održanoj 25.08.2025. godine jednoglasno konsenzusom.**

#### **ČLANOVI KOMISIJE**

**Abid Fejzić**, predstavnik Poslodavca

**Saudin Sivro**, predstavnik Sindikata

**Seada Mulaomerović**, predstavnik Poslodavca

**Envera Šukman**, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
**n/r ministrice**

**SAMOSTALNI SINDIKAT OSNOVNOG OBRAZOVANJA I ODGOJA FBIH -  
KANTONALNI ODBOR KANTONA SARAJEVO**  
**n/r predsjednika**

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25) obratio se Sindikat, kao jedna od ugovornih strana, vezano za dopis Javne ustanove Osnovna škola „Vrhbosna“ Sarajevo, broj: 04-854/25 od 23.07.2025. godine koji se odnosi na tumačenje člana 76. stav (3) Kolektivnog ugovora u dijelu utvrđivanja ko snosi troškove prema Institutu za medicinsko vještačenje radi utvrđivanja teške bolesti ili teškog invaliditeta.

U vezi s navedenim, obavještavamo Vas da je Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na svojoj 44. sjednici održanoj 25.08.2025. godine, donijela autentično tumačenje člana 76. stav (3) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**